



SLUŽBENE NOVINE OPĆINE KAKANJ

IZDAVAČ: Općina Kakanj GODINA XV	Broj 11/2011 Datum: 20.12.2011. Akti: 177 – 193	GRAFIČKA PRIPREMA I ŠTAMPA: STRUČNA SLUŽBA ZA POSLOVE OPĆINSKOG VIJEĆA
--	---	--

177.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-308/11

Kakanj, 28.11.2011. godine

Na osnovu člana 114. stav 2. Zakona o organizaciji organa uprave u Federaciji Bosne i Hercegovine („Službene novine F BiH“, broj: 35/05), člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće na 36. sjednici održanoj 28.11.2011. godine, donijelo je

ODLUKU

**o utvrđivanju visine naknade za iznajmljivanje
mobilne stanice za praćenje kvalitete zraka
Općine Kakanj**

Član 1.

Ovom Odlukom regulira se naknada za iznajmljivanje mobilne stanice za praćenje kvaliteta zraka Općine Kakanj a u svrhu mjerenja zagađenosti zraka prema zahtjevima zainteresiranih strana.

Član 2.

Mobilna stanica za praćenje kvaliteta zraka Općine Kakanj mjeri sljedeće parametre: sumporni dioksid – SO₂, dušikove okside – NO/NO₂/NO_x,

ugljen monoksid CO, ozon O₃, lebdeće čestice PM10 i meteorološke parametre i to: globalno sunčevo zračenje, brzinu i smjer vjetra, barometarski pritisak, temperaturu i relativnu vlažnost zraka.

Član 3.

Općina Kakanj, mobilnu stanicu za praćenje kvalitete zraka iznajmljuje na period od najmanje pet dana, sa cijenom od 500,00 KM po danu.

U cijenu iz stava 1. ovog člana nisu uračunati:

- troškovi transporta prema broju pređenih kilometara, u iznosu od 3,50/KM
- troškovi opsluživanja stanice od strane zaduženog osoblja Općine Kakanj u iznosu od 150,00 KM po dolasku.

U cijenu pod tačkom b) uključeno je postavljanje, opsluživanje stanice, softversko praćenje podataka kao i dostavljanje istih, po izvršenom mjerenju.

U cijenu nije uračunat PDV koji snosi naručilac.

Član 4.

Obaveze između naručioca i davaoca usluga regulisat će se ugovorom.

Član 5.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

178.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1- 309/11

Kakanj, 28.11.2011. godine

Na osnovu člana 63. Zakona o zdravstvenoj zaštiti („Službene novine F BiH“, broj: 46/10) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 36. sjednici održanoj 28.11.2011.godine, donijelo je

ODLUKU**o davanju saglasnosti na izmjene Statuta
JU Dom zdravlja sa poliklinikom****Član 1.**

Ovom Odlukom, daje se saglasnost na izmjene Statuta Javne ustanove Dom zdravlja sa poliklinikom Kakanj.

Član 2.

Sastavni dio ove Odluke je Odluka Upravnog odbora broj: 01-0-79/11 od 05.10.2011. godine o usvajanju izmjena Statuta Javne ustanove Dom zdravlja sa poliklinikom Kakanj.

Član 3.

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

179.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-331/11

Kakanj, 08.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće, na prijedlog Komisije za izbor i imenovanja, na 37. sjednici održanoj 08.12.2011. godine, donijelo je

ODLUKU**o davanju saglasnosti Skupštini JP „Kakanj-
sport“ d.o.o. Kakanj za privremeno imenovanje
članova Nadzornog odbora****Član 1.**

Općinsko vijeće daje saglasnost Skupštini javnog preduzeća „Kakanj-sport“ d.o.o. Kakanj za privremeno imenovanje članova Nadzornog odbora na period od 60 dana, počev od dana donošenja Odluke Skupštine društva i to:

1. Alajbegović Senad, dipl.ecc
2. Čobo Adnan, dipl.pravnik

Član 2.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

180.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj:0-01/1-335/11

Kakanj, 08.12.2011.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj 4/08), Općinsko vijeće na 37. sjednici, održanoj 08.12.2011, donijelo je:

**ODLUKU
o stipendiranju učenika sa
područja općine Kakanj**

I Opće odredbe

**Član 1.
(predmet Odluke)**

Ovom Odlukom utvrđuju se uvjeti, način i kriteriji za dodjelu stipendija učenicima koji imaju prebivalište na području općine Kakanj, a državljani su Bosne i Hercegovine.

Stipendije po ovoj Odluci dodjeljuju se redovnim učenicima srednjih škola koji imaju prebivalište na području općine Kakanj a školuju se na području Bosne i Hercegovine pod uvjetom da takva škola ne postoji u općini Kakanj.

**Član 2.
(visina stipendija)**

Visina stipendije se utvrđuje u iznosu od 400KM, a isplata će se vršiti u četiri jednake rate.

**Član 3.
(korisnici stipendija)**

Pravo na dodjelu stipendije, na način i po kriterijima koji su utvrđeni ovom Odlukom imaju redovni učenici srednjih škola koji su tokom školovanja postigli odličan i vrlo dobar uspjeh.

II Postupak dodjele stipendija

A-konkurs

**Član 4.
(raspisivanje konkursa)**

Stipendije se dodjeljuju kandidatima izabranim po osnovu rezultata konkursa, kojeg raspisuje nadležna služba Općine Kakanj - Služba za poduzetništvo, društvene djelatnosti, eko zaštitu i inspeksijske poslove - Odsjek za društvene djelatnosti.

Konkurs za dodjelu stipendija se raspisuje na početku školske godine, a najkasnije do 15. novembra tekuće godine za tekuću školsku godinu, a objavljuje se na oglasnoj ploči i službenoj stranici Općine Kakanj.

**Član 5.
(sadržaj konkursa)**

Konkurs za dodjelu stipendija sadrži podatke o:

- a) ukupnom iznosu sredstava namijenjenih stipendiranju i broju stipendija koje će se dodijeliti učenicima,
- b) visini stipendija i broju mjesečnih rata u kojima će se vršiti isplata,
- c) kandidatima koji imaju pravo učešća na konkursu,
- d) kandidatima čije prijave neće biti uzete u razmatranje,
- e) kriterijima na osnovu kojih se vrši izbor kandidata,
- f) dokazima koje kandidati prilažu uz prijavu na konkurs,
- g) roku za prijavu na konkurs i organu kojem se prijava podnosi.

**Član 6.
(izuzeće od prava učešća na konkursu)**

Pravo učešća na konkursu nemaju kandidati:

- a) vanredni učenici,
- b) učenici koji su tokom školovanja postigli dovoljan i dobar uspjeh,
- c) učenici koji primaju stipendiju drugog poslodavca,
- d) učenici koji nemaju prebivalište na području općine Kakanj i
- e) učenici koji ponavljaju razred.

B- Prijava na konkurs**Član 7.****(dokumentacija uz prijavu na konkurs)**

Zainteresirani kandidati trebaju priložiti sljedeću dokumentaciju:

- a) zahtjev-prijavu na konkurs,
- b) prijavu prebivališta – CIPS,
- c) ovjerenu izjavu roditelja da učenik ne prima stipendiju drugog poslodavca,
- d) potvrdu o redovnom školovanju,
- e) ovjerene kopije svjedodžbi iz prethodnih školskih godina, odnosno uvjerenje o postignutom uspjehu od V do završenog razreda osnovne škole, za učenike prvog razreda srednje škole,
- f) izjavu o zajedničkom domaćinstvu ovjerenu od nadležnog općinskog organa sa punom moralnom i pravnom odgovornošću,
- g) potvrdu o prihodima za svakog punoljetnog člana domaćinstva, odnosno uvjerenje o nezaposlenosti svakog punoljetnog člana domaćinstva,
- h) potvrdu o školovanju članova domaćinstva,
- i) rodni list za članove domaćinstva mlađim od 6 godina,
- j) uvjerenje nadležne institucije o tjelesnom invaliditetu,
- k) dokaz o ostvarenom uspjehu na takmičenju znanja na kantonalnom i višem nivou i
- l) dokaz da je kandidat učenik/ca generacije.

Ukoliko se utvrdi da su podaci netačni, prijava na konkurs se neće uzeti u razmatranje.

Član 8.**(postupak po zahtjevu)**

Prijava na konkurs sa potrebnom dokumentacijom podnosi se nadležnoj općinskoj službi, a izbor kandidata kojima će biti dodijeljena stipendija vrši se primjenom kriterija utvrđenih ovom Odlukom.

C- Kriteriji za izbor kandidata**Član 9.****(kriteriji)**

Izbor kandidata vrši se na osnovu liste sačinjene bodovanjem po sljedećim kriterijima:

- a) ostvareni uspjeh tokom školovanja,
- b) godina školovanja,
- c) socijalno-ekonomska situacija i
- d) utvrđeni tjelesni invaliditet.

Član 10.**(uspjeh)**

Na osnovu ostvarenog uspjeha kandidat ostvaruje bodove:

- a) Za ostvaren odličan uspjeh tokom školovanja - prosječna ocjena se uvećava za 4 i množi sa koeficijentom 5. Za ostvaren vrlo dobar uspjeh tokom školovanja - prosječna ocjena se uvećava za 3 i množi sa koeficijentom 5.
- b) za godine školovanja
 - za prvu godinu školovanja – dodaju se 2 boda
 - za drugu godinu školovanja – dodaju se 4 boda
 - za treću godinu školovanja – dodaje se 6 bodova
 - za četvrtu godinu – dodaje se 10 bodova

Učenicima koji su tokom redovnog školovanja učestvovali na takmičenjima iz znanja i osvojili 1.-3. mjesto na kantonalnom i višem rangu takmičenja, dodaje se:

- a) za osvojeno 1. mjesto – 5 bodova
- b) za osvojeno 2. mjesto – 4 boda
- c) za osvojeno 3. mjesto – 3 boda

Član 11.**(socijalno - ekonomska situacija)**

Po osnovu prihoda po članu domaćinstva:

- do 100 KM 35 bodova
- od 101 KM do 150 KM 25 bodova
- od 151 KM do 300 KM 15 bodova
- od 301 KM do 400 KM 10 bodova
- od 401 KM do 500 KM 5 bodova
- preko 500 KM i dalje 2 boda

Učenicima koji imaju status osobe sa posebnim potrebama, a na osnovu priložene dokumentacije nadležnog Centra za socijalni rad Kakanj, dodaje se 10 bodova.

U slučaju da dva ili više kandidata imaju isti broj bodova, prednost imaju učenici slabijeg imovnog stanja, djeca poginulih boraca, šehida, poginulih branitelja i poratnika.

Član 12.

(izuzeće od kriterija)

Učenicima generacije će se dodjeljivati stipendije neovisno o kriterijima utvrđenih članom 10. i 11. ove Odluke uz prethodno predočenu odgovarajuću dokumentaciju.

Član 13.

(komisija)

Općinski načelnik rješenjem formira komisiju od predstavnika Općine, predstavnika Komisije za mlade koju je imenovalo Općinsko vijeće, i predstavnika studentske organizacije, koja pribavlja podatke o dodijeljenim stipendijama drugih davalaca i vrši bodovanje prijavljenih kandidata za dodjelu stipendija.

Preliminarna lista ističe se na oglasnoj ploči Općine. Na istu se može izjaviti prigovor komisiji u roku od 8 dana od dana isticanja liste. Nakon isteka roka za prigovor, sačinjava se konačna lista kandidata za dodjelu stipendija koja se ističe na oglasnoj ploči Općine i na koju stranka u roku od 8 dana može uložiti žalbu Općinskom načelniku.

Učenicima koji su ostvarili pravo na stipendiju nadležna služba izdat će rješenje.

Član 14.

Ovom Odlukom stavlja se van snage Odluka Općinskog vijeća broj: 0-01/1-107/08 od 04.06.2008.godine („Službene novine Općine Kakanj“, broj 5/08).

Član 15.

Ova Odluka stupa na snagu danom donošenja, a bit će objavljena u „Službenim novinama općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

181.

BOSNA I HERCEGOVINA FEDERACIJA BOSNE I HERCEGOVINE ZENIČKO-DOBOJSKI KANTON OPĆINA KAKANJ

Općinsko vijeće

Broj:0-01/1-336/11

Kakanj, 08.12. 2011.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj 4/08), Općinsko vijeće na 37. sjednici, održanoj 08.12.2011, donijelo je:

ODLUKU

o stipendiranju studenata sa područja općine Kakanj

I Opće odredbe

Član 1.

(predmet Odluke)

Ovom Odlukom utvrđuju se uvjeti, način i kriteriji za dodjelu stipendija studentima koji imaju prebivalište na području općine Kakanj, a državljani su Bosne i Hercegovine.

Stipendije po ovoj Odluci dodjeljuju se za redovni studij na visokoškolskim ustanovama na području Bosne i Hercegovine, kao i vanrednim studentima sa prosječnom ocjenom 9 i više ili istom ocjenom u skladu sa pravilima univerziteta gdje studiraju.

Član 2.

(visina stipendije)

Visina stipendije se utvrđuje u iznosu od 800KM, a isplata će se vršiti u tri jednake rate u jednakim vremenskim intervalima.

Član 3.

(korisnici stipendija)

Pravo na dodjelu stipendije, na način i po kriterijima koji su utvrđeni ovom Odlukom, imaju redovni studenti prvog i drugog ciklusa studija i

redovni samofinansirajući kao i vanredni studenti sa prosjekom ocjena 9 i više ili istom ocjenom u skladu sa pravilima univerziteta gdje studiraju.

II Postupak dodjele stipendija

A-konkurs

Član 4.

(raspisivanje konkursa)

Stipendije se dodjeljuju kandidatima na osnovu konkursa kojeg raspisuje nadležna služba Općine Kakanj - Služba za poduzetništvo, društvene djelatnosti, eko zaštitu i inspeksijske poslove - Odsjek za društvene djelatnosti.

Termin objave konkursa i rezultata konkursa bit će prilagođen terminima i rokovima konkursa Ministarstva za boračka pitanja i Ministarstva za obrazovanje Zeničko-dobojskog kantona, zbog iskorištenja mogućnosti stipendiranja studenata iz drugih izvora.

Konkurs će biti objavljen na oglasnoj ploči i web-stranici Općine Kakanj.

Član 5.

(sadržaj konkursa)

Konkurs za dodjelu stipendija sadrži podatke o:

- a) ukupnom iznosu sredstava namijenjenih stipendiranju
- b) visini stipendija i broju mjesečnih rata u kojima će se vršiti isplata,
- c) kandidatima koji imaju pravo učešća na konkursu,
- d) kandidatima čije prijave neće biti uzete u razmatranje,
- e) kriterijima na osnovu kojih se vrši izbor kandidata,
- f) dokazima koje kandidati prilažu uz prijavu na konkurs i
- g) roku za prijavu na konkurs i organu kojem se prijava podnosi.

Član 6.

(izuzeće od prava učešća na konkursu)

Pravo učešća na konkursu nemaju kandidati:

- a) studenti apsolventi,
- b) studenti koji u tekućoj godini na istom ili drugom fakultetu upisuju istu godinu studija,

- c) vanredni studenti, ispod prosjeka ocjena 9 ili istom ocjenom u skladu sa pravilima univerziteta gdje studiraju,
- d) studenti koji primaju stipendiju drugog poslodavca i
- e) studenti koji studiraju na visokoškolskim ustanovama van Bosne i Hercegovine.

B- Prijava na konkurs

Član 7.

(dokumentacija uz prijavu na konkurs)

Zainteresirani kandidati trebaju priložiti sljedeću dokumentaciju:

- a) zahtjev-prijavu na konkurs,
- b) ovjerenu kopiju lične karte,
- c) ovjerenu izjavu kandidata da ne prima stipendiju drugog poslodavca,
- d) potvrdu o redovnom studiju sa naznakom da je student prvi puta upisao određenu godinu studija.

Ukoliko se utvrdi da su podaci netačni, odnosno lažno prezentirani, prijava na konkurs se neće uzeti u razmatranje.

Ako student ostvari pravo na stipendiju, a utvrdi se, argumentirano, da su dostavljeni podaci netačni, stipendija se obustavlja i ista osoba se više neće moći prijavljivati na konkurs.

Član 8.

(postupak po zahtjevu)

Prijava na konkurs sa potrebnom dokumentacijom podnosi se nadležnoj općinskoj službi, a izbor kandidata kojima će biti dodijeljena stipendija vrši se primjenom kriterija utvrđenih ovom odlukom.

C- Izbor kandidata

Član 9.

Pravo na stipendiju ostvaruju slijedeći kandidati:

- a) redovni studenti koji imaju prebivalište na području općine Kakanj i studiraju na području BiH,
- b) studenti prvog i drugog ciklusa koji prvi puta upisuju odgovarajuću godinu studija,

- c) studenti koji ne primaju stipendiju drugog poslodavca, institucija BiH, Federacije BiH i Kantona i
- d) vanredni studenti sa prosjekom ocjena 9 i više ili istom ocjenom u skladu sa pravilima univerziteta gdje studiraju.

**Član 10.
(komisija)**

Općinski načelnik rješenjem formira komisiju od predstavnika Općine, predstavnika Komisije za mlade koju je imenovalo Općinsko vijeće i predstavnika studentskog udruženja, koja pribavlja podatke o dodijeljenim stipendijama drugih davalaca i sačinjava listu kandidata za dodjelu stipendija.

Preliminarna lista ističe se na oglasnoj ploči Općine. Na istu se može izjaviti prigovor komisiji u roku od 8 dana od dana isticanja liste. Nakon isteka roka za prigovor, sačinjava se konačna lista kandidata za dodjelu stipendija koja se ističe na oglasnoj ploči Općine i na koju stranka u roku od 8 dana može uložiti žalbu općinskom načelniku.

Studentima koji su ostvarili pravo na stipendiju nadležna služba izdat će se rješenje.

Član 11.

Ovom Odlukom stavlja se van snage Odluka Općinskog vijeća broj:0-01/1-107/08 od 04.06.2008.godine („Službene novine Općine Kakanj“, broj 5/08).

Član 12.

Ova Odluka stupa na snagu danom donošenja, a bit će objavljena u „Službenim novinama općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

182.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1- 333 /11

Kakanj, 08.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), člana 74. Zakona o građevinskom zemljištu Federacije Bosne i Hercegovine („Službene novine Federacije BiH“, broj: 67/05) i člana 60. Odluke o građevinskom zemljištu („Službene novine Općine Kakanj“, broj: 1/06), Općinsko vijeće na 37. sjednici održanoj 08.12.2011. godine donijelo je

ODLUKU

**o vrijednosti boda naknade za korištenje
gradskog građevinskog zemljišta u 2012. godini**

Član 1.

Ovom Odlukom utvrđuje se vrijednost boda za određivanje mjesečne vsine naknade za korištenje gradskog građevinskog zemljišta u 2012. godini u iznosu od 0,00057 KM (bod x m²).

Član 2.

Ova Odluka stupa na snagu osmog dana po objavljivanju u „Službenim novinama Općine Kakanj“, a primjenjivat će se za 2012. godinu.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

183.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1- 334 /11

Kakanj, 08.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 30. Zakona o komunalnim djelatnostima („Službene novine Zeničko-dobojskog kantona“, broj 17/08) i člana 21. Odluke o komunalnim djelatnostima zajedničke komunalne potrošnje („Službene novine Općine Kakanj“, broj: 6/09), Općinsko vijeće na 37. sjednici održanoj 08.12.2011. godine donijelo je

ODLUKU

**o vrijednosti boda komunalne
naknade u 2012. godini**

Član 1.

Ovom Odlukom utvrđuje se vrijednost boda za određivanje mjesečne visine komunalne naknade u 2012. godini u iznosu 0,00426 KM (bod x m²).

Član 2.

Ova Odluka stupa na snagu osmog dana po objavljivanju u „Službenim novinama Općine Kakanj“, a primjenjivat će se za 2012. godinu.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

184.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj:0-01/1-307/11

Kakanj, 28.11.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće, na 36. sjednici održanoj 28.11.2011.godine, usvojilo je

**IZMJENE I DOPUNE KRITERIJA RASPODJELE
SREDSTAVA ZA SPORT IZ BUDŽETA OPĆINE
KAKANJ**

Član 1.

U Kriterijima raspodjele sredstava za sport iz budžeta Općine Kakanj („Službene novine Općine Kakanj“, broj: 6/09) stav: „Budžetska sredstva namijenjena sportu dijele se na sredstva namijenjena:“, mijenja se i glasi:

„Budžetska sredstva namijenjena sportu dijele se za slijedeće namjene:

1. Podrška redovnim takmičenjima sportskih klubova	...80%
2. Sportska takmičenja invalida	...4,5%
3. Sportska takmičenja učenika i studenata	...4,5%
4. Aktivnosti Sportskog saveza općine Kakanj	...2%
5. Učešće u obezbijeđenju realizacije općinskih nivoa takmičenja i masovnih sportskih manifestacija	...2%
6. Fond za nagrade i pomoć nadarenim i uspješnim sportistima	...4%
7. Sredstva rezervi	...3%

Sportski klubovi su obavezni da iz dodijeljenih sredstava odvoje 20% za omladinske selekcije za rad, usavršavanje trenera, opremu i dr.

Član 2.

U stavu: „Za podršku redovnih aktivnosti klubovi – udruženja učešće u raspodjeli sredstava

ostvaruju na osnovu broja bodova koje ostvare vrednovanjem slijedećih parametara:“, dodaje se nova alineja koja glasi:

„ • godišnjeg obračuna ovjerenog od Agencije za finansijsko poslovanje.“

Član 3.

Iza stava navedenog u članu 2. ovih Izmjena i dopuna, dodaje se novi stav koji glasi:

„Raspodjela sredstava za TAKMIČARSKI SPORT vrši se na sljedeći način:

1. Klubovi I i II kategorije u startu dobijaju po 100 obračunskih bodova.
2. Broj obračunskih bodova se koriguje u zavisnosti od kategorije u koju je klub svrstan, Startnih 100 bodova se dijeli:
 - za klubove I kategorije sa brojem 1
 - za klubove II kategorije sa brojem 1,5.
3. Ukupan broj utakmica na godišnjem nivou za sve selekcije koje su obuhvaćene zvaničnim sistemom takmičenja množi se sa brojem 1.
4. Ukupno izdvojena sredstva za takmičarski sport dijele se sa ukupnim brojem bodova (zbir bodova svih klubova) i dobije se vrijednost obračunskog boda.
5. Množenjem broja bodova koji je svaki klub ostvario sa vrijednosti obračunskog boda dobije se iznos sredstava koja svaki klub dobija na godišnjem nivou.
6. Raspodjela sredstava za klubove III i IV kategorije izvršit će se paušalno.

Član 4.

Stav: „Po osnovu validnog finansijskog izvještaja za prethodnu godinu klub – udruženje ostvaruje 100 bodova“, mijenja se i glasi:

„Po osnovu validnog finansijskog izvještaja za prethodnu godinu klub – udruženje ostvaruje 0 – 10 bodova.“

Član 5.

Stav: „Po osnovu programa rada za tekuću godinu klub-udruženje ostvaruje 30 bodova“, mijenja se i glasi:

„Po osnovu programa rada za tekuću godinu klub-udruženje ostvaruje 10-30 bodova.“

Član 6.

Stav: „Po osnovu interesa građana i tradicije klub-udruženje ostvaruje od 20-100 bodova.“ se briše i umjesto njega se dodaju dva nova stava koja glase:

„Po osnovu interesa građana klub-udruženje ostvaruje od 20-100 bodova.

Po osnovu tradicije klub-udruženje ostvaruje od 10-100 bodova.“

Član 7.

Stav: „Po osnovu broja aktivnih/registrovanih takmičara (igrača) klub-udruženje ostvaruje:“, mijenja se i glasi:

„Po osnovu broja aktivnih/registrovanih takmičara (igrača) klub-udruženje ostvaruje:

- do 10 takmičara 5 bodova
- od 11 do 20 takmičara 10 bodova
- od 21 do 30 takmičara 15 bodova
- od 31 do 40 takmičara 20 bodova
- od 41 do 60 takmičara 25 bodova
- od 61 do 100 takmičara 50 bodova
- preko 100 takmičara 100 bodova“

Član 8.

Stav: „Po osnovu ranga takmičenja klub-udruženje ostvaruje:“, mijenja se i glasi:

„Po osnovu ranga takmičenja klub – udruženje ostvaruje:

Ligaška takmičenja u nogometu:

- takmičenje u premijer ligi BiH..... 100 bodova
- takmičenje u prvoj ligi F BiH 50 bodova
- takmičenje u drugoj ligi F BiH 30 bodova
- liga malog nogometa 10 bodova
- takmičenje u kantonalnoj ligi 10 bodova
- liga mladih selekcija 10 bodova

Ligaška takmičenja u košarci

- prva liga BiH 100 bodova
- A 1 liga 50 bodova
- A 2 liga 30 bodova
- Liga mladih selekcija 5 bodova

Ligaška takmičenja u odbojki

- Premijer liga BiH 100 bodova
- Prva federalna liga 50 bodova
- Druga federalna liga 20 bodova
- liga mladih selekcija 5 bodova

Ligaška takmičenja u rukometu

- Premijer liga BiH 100 bodova
- Prva federalna liga 50 bodova
- Liga mladih selekcija 20 bodova

Kuglanje

- Liga BiH 30 bodova
- Turnirska takmičenja 20 bodova

Član 9.

Ove Izmjene i dopune stupaju na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

185.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-305/11

Kakanj, 28.11.2011.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće, na 36. sjednici održanoj dana 28.11.2011. godine, razmatrajući

Nacrt budžeta Općine Kakanj za 2012. godinu

usvojilo je slijedeći

ZAKLJUČAK

1. Polazeći od primjedbi, mišljenja i sugestija iznesenih u raspravi po Nacrtu budžeta

Općine Kakanj za 2012. godinu, potrebno je da obrađivač – Služba za finansije i predlagač – Općinski načelnik, Vijeću predloži novi Nacrt budžeta za 2012. godinu

2. Za realizaciju ovog zaključka zadužuju se Služba za finansije i Općinski načelnik,
3. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

186.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-306/11

Kakanj, 28.11.2011.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće, na 36. sjednici održanoj dana 28.11.2011. godine, razmatrajući

Nacrt odluke o izvršavanju budžeta Općine Kakanj za 2012. godinu

usvojilo je slijedeći

ZAKLJUČAK

1. Da obrađivač – Služba za finansije i predlagač – Općinski načelnik, uz Nacrt Budžeta Općine Kakanj za 2012.godinu, predloži Vijeću i Nacrt odluke o izvršavanju budžeta za 2012. godinu
2. Za realizaciju ovog zaključka zadužuju se Služba za finansije i Općinski načelnik,
3. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

187.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće
 Broj: 0-01/1-310/11
 Kakanj, 28.11.2011.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 2/04 i 3/04) Općinsko vijeće, na 36. sjednici održanoj dana 28.11.2011. godine, donijelo je

Odluku o davanju saglasnosti na izmjene Statuta Javne ustanove Dom zdravlja sa poliklinikom Kakanj

usvojilo je slijedeće

ZAKLJUČKE

1. Da Upravni odbor JU Dom zdravlja sa poliklinikom Kakanj najkasnije do 31.marta 2012. godine izvrši usaglašavanje internih akata – konkretno Statuta u skladu sa Zakonom o zdravstvenoj zaštiti te iste uputi u proceduru za davanje saglasnosti od osnivača odnosno Općinskog vijeća,
2. Da najkasnije do 30. aprila 2012. godine Općinski načelnik ponovo predloži Općinskom vijeću prijedlog kriterija za imenovanje članova upravnih odbora,
3. Za realizaciju ovih zaključaka zadužuju se Upravni odbor i direktor JU Dom zdravlja sa poliklinikom Kakanj i Općinski načelnik,
4. Ovi Zaključci stupaju na snagu danom donošenja, a naknadno će se objaviti u „Službenim novinama Općine Kakanj“.

PREDSJEDAVALA
OPĆINSKOG VIJEĆA
 Ivica Petrović, s.r

188.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće
 Broj: 0-01/1-310/11
 Kakanj, 28.11.2011.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11) Općinsko vijeće, na 36. sjednici održanoj 28.11.2011. godine, razmatrajući zahtjev za davanje saglasnosti na **Poslovnik o radu zdravstvenog savjeta**

usvojilo je slijedeći

ZAKLJUČAK

1. Poslovnik o radu zdravstvenog savjeta se u skladu sa članom 112. Poslovnika o radu Općinskog vijeća, upućuje Komisiji za Statut i propise radi davanja prethodnog mišljenja i usklađenosti sa pravno – relevantnim propisima,
2. Za realizaciju ovog zaključka zadužuje se Komisija za Statut i propise Općinskog vijeća
3. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

PREDSJEDAVALA
OPĆINSKOG VIJEĆA

Ivica Petrović, s.r

189.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće
 Broj: 0-01/1-312/11
 Kakanj, 28.11.2011.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11),

Općinsko vijeće, na 36. sjednici održanoj dana 28.11.2011. godine, razmatrajući

Zahtjev stanara zgrade br.2. u ulici 7. muslimanske u Kakanju

usvojilo je slijedeći

ZAKLJUČAK

1. Zahtjev stanara zgrade broj 2. u ulici 7. muslimanske u Kakanju a koji se odnosi na rješavanje infrastrukturnih problema i uvjeta za stanovanje – problem prilaza i ulaza u zgradu, parkinga i poplava podrumskih prostorija od kanalizacionih i oborinskih voda, se upućuje na rješavanje Zavodu za planiranje i izgradnju općine Kakanj, JP „Vodokomu“ d.o.o. Kakanj i Upravitelju zgrade koji po zakonu vrši poslove upravljanja i održavanja predmetne zgrade.

2. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

**190.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće
Broj: 0-01/1-332/11
Kakanj, 08.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće, na 37. sjednici održanoj 08.12.2011. godine, razmatrajući

Odluku o davanju saglasnosti Skupštini JP „Kakanj-sport“ d.o.o. Kakanj za privremeno imenovanje članova Nadzornog odbora

usvojilo je slijedeći

ZAKLJUČAK

1. Nalaže se Skupštini Javnog preduzeća „Kakanj-sport“ d.o.o. Kakanj da u skladu sa odredbama Zakona o javnim preduzećima, Statutom javnog preduzeća i drugim pravno relevantnim propisima sprovede proceduru za konačno imenovanje članova Nadzornog odbora,
2. Za realizaciju ovog zaključka zadužuje se Skupština i direktor Javnog preduzeća „Kakanj-sport“ d.o.o. Kakanj ,
3. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

**191.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće
Broj: 0-01/1-342/11
Kakanj, 08.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 37. sjednici održanoj 08.12.2011. godine, donijelo je

Odluku o stipendiranju studenata sa područja općine Kakanj

uz slijedeći

ZAKLJUČAK

1. Đaci i studenti koji stanuju u đačkim i studentskim domovima nemaju pravo na povlasticu za prijevoz.
2. Ovaj Zaključak postaje sastavni dio Odluke o finansiranju prijevoza đaka i studenata („Službene novine Općine Kakanj“, broj: 2/09)

3. Za realizaciju ovog Zaključka zadužuju se Služba za poduzetništvo, društvene djelatnosti, eko-zaštitu i inspeksijske poslove.
4. Ovi Zaključci stupaju na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

**192.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinski načelnik
Broj: 0-02/1-5094/11
Kakanj, 09.12.2011. godine

Na osnovu člana 38. i 118. Statuta Općine Kakanj (“Službene novine Općine Kakanj”, broj: 4/08) i člana 22. Odluke o izvršavanju Budžeta Općine Kakanj za 2011. godinu, broj: 0-01/1-285/10 od 30.12.2010. godine, Općinski načelnik donosi:

K R I T E R I J E
za dodjelu novčane pomoći, pomoći u
građevinskom materijalu i drugih vidova
pomoći za potporu povratku

Član 1.

Ovim Kriterijima utvrđuju se uvjeti za dodjelu i raspodjelu pomoći kao potpora povratku i to: novčane pomoći, pomoći u građevinskom materijalu, pomoć za priključak na elektro-mrežu, vodu, kanalizaciju, troškove izrade i revizije projektne dokumentacije, tehničkog pregleda, teže bolesti i drugo.

Član 2.

Korisnik sredstava može biti raseljeno lice ili povratnik koji je 1991. godine imao prebivalište na prostoru općine Kakanj i koji na teritoriju Bosne i Hercegovine nema drugu stambenu jedinicu uvjetnu za stanovanje.

Prednost pri dodjeli sredstava imaju lica slabijeg imovnog stanja, teško oboljele osobe i lica sa većim brojem članova porodičnog domaćinstva.

Član 3.

Sredstva po ovim Kriterijima mogu se dodjeljivati pojedinačno svim raseljenim licima i povratnicima za osiguranje neophodnih uvjeta za stambeno zbrinjavanje, povratničkim naseljima – mjesnim zajednicama za izgradnju, dogradnju ili rekonstrukciju komunalne infrastrukture i nabavku stoke (krave ili ovce) za progresivniji održivi povratak u Kakanj, te udruženju građana koje djeluje u povratničkom naselju.

Član 4.

Prioritet po ovim Kriterijima imaju osobe bez prihoda koje su se vratile na područje općine Kakanj. Ocjenu statusa osobe bez prihoda vršit će Komisija iz člana 9. ovih Kriterija u skladu sa zakonom.

Član 5.

Pomoć utvrđena ovim Kriterijima može biti odobrena za dovršavanje stambene jedinice, odnosno za stvaranje minimalnih uvjeta za stanovanje, troškove ugradnje građevinskog materijala, infrastrukturne priključke na elektro-mrežu, vodu, kanalizaciju, troškove izrade i revizije projektne dokumentacije, tehničkog pregleda i teže bolesti.

Član 6.

Sredstva po ovim Kriterijima mogu se koristiti i za komunalnu infrastrukturu u povratničkim naseljima, a u skladu sa članom 8. stav 1. alineja 2. ovih Kriterija, i ista će se realizirati u skladu sa odredbama Zakona o javnim nabavkama.

Član 7.

Zahtjev za ovaj vid pomoći podnosi se Komisiji za dodjelu novčane pomoći, pomoći u građevinskom materijalu i drugih vidova pomoći za potporu povratku.

Zahtjevi će se rješavati komisijski u roku od 15 dana od dana podnošenja, a o čemu se sačinjava zapisnik.

Član 8.

Sredstva iz općinskog budžeta, ekonomski kod 614200 – pozicija “Sredstva za potporu obnove i izgradnje povratnicima”, mogu se odobriti:

- fizičkoj osobi u maksimalnom iznosu do 3.000,00 KM;
- povratničkom naselju – mjesnoj zajednici u maksimalnom iznosu do 25.000,00 KM;
- udruženju građana koje djeluje u povratničkom naselju.

Za primljene donacije u građevinskom materijalu od Vlade Republike Hrvatske, Općina Kakanj će iz budžeta svakom od korisnika programa dodijeliti namjensku pomoć u novčanom iznosu do 15% od ukupne vrijednosti donacije, a koja se može koristiti isključivo za finansiranje ugradnje doniranog građevinskog materijala.

Za tražena sredstva zainteresirana fizička osoba, povratničko naselje – mjesna zajednica ili udruženje građana koje djeluje u povratničkom naselju, uz zahtjev za dodjelu sredstava dostavlja neophodan predračun.

Član 9.

Na zapisnik i prijedlog Komisije koju je imenovao Općinski načelnik, saglasnost daje Općinski načelnik, a Služba za poduzetništvo, društvene djelatnosti, eko-zaštitu i inspeksijske poslove priprema zaključke o realizaciji sredstava u skladu sa članom 22. Odluke o izvršavanju budžeta Općine Kakanj.

Član 10.

Stupanjem na snagu ovih Kriterija, stavljaju se van snage Kriteriji, broj: 0-02/1-4234/10 od 29.11.2010. godine.

Član 11.

Ovi Kriteriji stupaju na snagu danom potpisivanja, a objavit će se u „Službenim novinama Općine Kakanj“.

OPĆINSKI NAČELNIK
Mensur Jašarspahić – Suri, s.r

193.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinski načelnik

Broj:0-02/1-4848/11

Kakanj, 29.11.2011. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine FBiH, broj: 49/06), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj: 35/05), člana 38. i 118. Statuta Općine Kakanj („Službene novine Općine Kakanj“, broj: 4/08) i Naredbe Ministarstva zdravstva broj: 11-37-24774-1/11. od 21.11.2011.godine, Općinski načelnik, izdaje

N A R E D B U

o provođenju preventivne sistematske deratizacije (jesenja faza) na području općine Kakanj za 2011. godinu

Član 1.

Naređuje se provođenje preventivne sistematske deratizacije na području Općine Kakanj u periodu od 05.12.2011. do 14.12.2011. godine.

Član 2.

Sistematska deratizacija iz tačke jedan ove naredbe obuhvata:

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotokova u gradskim i prigradskim zonama,
3. Centralne deponije kao i nezvanična (neorganizirana) smetlišta u gradskim naseljima,
4. Vaspitno-obrazovni i kulturni objekti i njihovi prostori,
5. Kolektivni centri za smještaj i boravak izbjeglih i prognanih lica,
6. Objekti javnih zdravstvenih ustanova,
7. Javne ustanove administrativnog karaktera,
8. Individualne stambene zgrade u privatnom vlasništvu u užim zonama gradskih naselja,

9. Vjerski objekti i groblja u gradskim naseljima,
10. Kanalizacione mreže sa šahtovima i izlivnim kolektorima,
11. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti,
12. Stacionirani objekti i sredstva javnog saobraćaja,
13. Objekti za proizvodnju i promet životnih namirnica i predmeta opšte upotrebe (korisnici i vlasnici istih),
14. Objekti za pružanje usluga javne higijene i
15. Zajednički prostori stambenih zgrada (podrumi i tavani),

Troškove deratizacije pod rednim brojem: 10,11,12,13,14. i 15. snose subjekti koji njima upravljaju.

Član 3.

Deratizaciju će organizirati i provesti, prema ovjerenom rasporedu, Kantonalni zavod za javno zdravstvo Zenica.

Član 4.

Subjekti koji podliježu provođenju preventivne sistematske deratizacije dužni su osigurati nesmetan rad ekipama izvođača bez obzira na parcijalne radove ili ugovore koje posjeduju.

Član 5.

Nadzor i kontrolu provođenja akcije deratizacije vršit će općinski sanitarni inspektor Bašić Selver.

Član 6.

Ova naredba stupa na snagu danom donošenja, a objavit će se u „Službenim novinama Općine Kakanj“.

OPĆINSKI NAČELNIK
Mensur Jašarspahić – Suri, s.r

S A D R Ź A J

“SLUŽBENIH NOVINA OPĆINE KAKANJ” BROJ 11/11

177. Odluka o utvrđivanju visine naknade za iznajmljivanje mobilne stanice za praćenje kvalitete zraka općine Kakanj	1
178. Odluka o davanju saglasnosti na izmjene Statuta JU Dom zdravlja sa poliklinikom Kakanj	2
179. Odluka o davanju saglasnosti Skupštini JP „Kakanj – sport“ d.o.o. Kakanj za privremeno imenovanje članova Nadzornog odbora	2
180. Odluka o stipendiranju učenika sa područja općine Kakanj	3
181. Odluka o stipendiranju studenata sa područja općine Kakanj.....	5
182. Odluka o vrijednosti boda naknade za korištenje gradskog građevinskog zemljišta u 2012. godini.....	7
183. Odluka o vrijednosti boda komunalne naknade u 2012. godini	8
184. Izmjene i dopune Kriterija raspodjele sredstava za sport iz Budžeta Općine Kakanj.....	8
185. Zaključak uz nacrt Budžeta Općine Kakanj za 2012. godinu	10
186. Zaključak uz Nacrt odluke o izvršavanju Budžeta Općine Kakanj za 2012. godinu	10
187. Zaključak uz Odluku o davanju saglasnosti na izmjene Statuta JU Dom zdravlja sa poliklinikom.....	11
188. Zaključak na Poslovnik o radu zdravstvenog savjeta	11
189. Zaključak po zahtjevu stanara zgrade br.2 u ulici 7.muslimanske u Kaknju	16
190. Zaključak uz Odluku o davanju saglasnosti Skupštini JP „Kakanj – sport“ d.o.o. Kakanj za privremeno imenovanje članova Nadzornog odbora	12
191. Zaključak uz Odluku o stipendiranju studenata sa područja općine Kakanj.....	12
192. Kriteriji za dodjelu novčane pomoći, pomoći u građevinskom materijalu i drugih vidova pomoći za potporu povratnika.....	13
193. Naredba o provođenju preventivne sistematske deratizacije (jesenja faza) na području općine Kakanj za 2011. godinu	14